


# «ՀԱՐՈՒՍՏՆԵՐ ԵՒ ԱՐԿԱԾԱՅՆՆԴԻՐՆԵՐ»

Posted on July 6, 2018 by Keghart



Category: [Opinions](#)



# Ակամայ Պատասխան՝ Պարոն Անտրէ Զատրճեանին

Բաբգէն Պոյաճեան, Ճարտարապետ, Թորոնթօ, 6 Յուլիս 2018

Թորոնթօ ապրելով 8 տարիէ աւելի եւ մասնակցութիւն բերած ըլլալով հայկական գործունեութիւններու, կը գրեք, թէ ինծի կամ անունիս չէք հանդիպած: Յիշեցնեմ, որ «Հայաստան» համահայկական հիմնադրամի յանձնախումբին մէջ ես կը ներկայացնէի «Նոր Սերունդ Մշակութային Միութիւն»ը, երբ դուք մեծամտութեամբ աւելորդ-պակաս չարախօսեցիք Ն. Ս. Ս. Մ.ի հասցէին: Այդ զրպարտութեան համար, հանգուցեալ Պետրոս Մուշեանը ձեզի հեռաձայնելով՝ պետք եղածը ըսաւ: Հիմա յիշեցի՞ք զիս՝ Բաբգէն Պոյաճեանը (կրտսեր): Նահատակ հայրս եւ ես կը կրենք նոյն անունը եւ մօտաւորապէս 60 տարիէ ի վեր կը վայելենք լիբանահայութեան մեծ մասին յարգանքը: Հ. Բ. Ը. Մ.ի ձեր գիտցած հարուստ աղաներէն չենք եղած եւ չենք, բայց հպարտ ենք մեր համեստութեամբ:



**Լիբանահայութեան տարածուած պատկերազարդ անգլերէն լեզուով խմբագրուած գրքոյկը ուր «Մեր Արժէքները» (Our Values) շարքին մէջ կը շեփորուի «համաշխարհային քաղաացիութիւն» (կամ աշխարհաքաղաացիութիւն - global citizenship) արտայայտութիւնը՝ փոխարինելով սերունդներ շարունակ բարերարներու «հայեցի, տոհմիկ դաստիարակութիւն» յորդորանքը:**

# Ակամայ Պատասխան՝ Պարոն Անտրէ Զատրճեանին

Բաբգէն Պոյաճեան, Ճարտարապետ, Թորոնթօ, 6 Յուլիս 2018

Թորոնթօ ապրելով 8 տարիէ աւելի եւ մասնակցութիւն բերած ըլլալով հայկական գործունեութիւններու, կը գրեք, թէ ինծի կամ անունիս չէք հանդիպած: Յիշեցնեմ, որ «Հայաստան» համահայկական հիմնադրամի յանձնախումբին մէջ ես կը ներկայացնէի «Նոր Սերունդ Մշակութային Միութիւն»ը, երբ դուք մեծամտութեամբ աւելորդ-պակաս չարախօսեցիք Ն. Ս. Ս. Մ.ի հասցէին: Այդ զրպարտութեան համար, հանգուցեալ Պետրոս Մուշեանը ձեզի հեռաձայնելով՝ պետք եղածը ըսաւ: Հիմա յիշեցի՞ք զիս՝ Բաբգէն Պոյաճեանը (կրտսեր): Նահատակ հայրս եւ ես կը կրենք նոյն անունը եւ մօտաւորապէս 60 տարիէ ի վեր կը վայելենք լիբանահայութեան մեծ մասին յարգանքը: Հ. Բ. Ը. Մ.ի ձեր գիտցած հարուստ աղաներէն չենք եղած եւ չենք, բայց հպարտ ենք մեր համեստութեամբ:



**Լիբանահայութեան տարածուած պատկերազարդ անգլերէն լեզուով խմբագրուած գրքոյկը ուր «Մեր Արժէքները» (Our Values) շարքին մէջ կը շեփորուի «համաշխարհային քաղաացիութիւն» (կամ**

**աշխարհաքաղաքացիութիւն - global citizenship) արտայայտութիւնը՝ փոխարինելով սերունդներ շարունակ բարերարներու «հայեցի, տոհմիկ դաստիարակութիւն» յորդորանքը:**

Յօդուածիս մէջ ի՞նչ կար բացի խոր մտահոգութենէ ի տես սփիւռքի մէջ հայ դպրոցի եւ հայ լեզուի վրայ կուտակուած սեւ ամպերուն: Հաւանաբար խանգարեցի Բարեգործականի (վերջին տասնամեակներուն՝ իրականութեան մէջ՝ Չարագործականի) տերերուն գրպանի շահերը, եւ անոնք թերեւս զուարճացան նիւերոքեան իրենց գրասենեակներուն մէջ ընթերցելով ձեր թունաւոր ենթադրութիւններով լիցքաւորուած խճճանքը ընդդէմ հայկական դպրոցներու վաճառքի դաւերը քննադատողիս: Հաւանաբար դուք եզակի խելացի մտածող մըն էք, քանի որ եղաք միակը, որ գրութեանս միւս բոլոր՝ ՄԻԱՅՆ դրական արձագանգողներուն կողքին, տիրահռչակ «քննադատական» մը մրոտեցիք: Բարեկամ, դուք եւ ձեզ քաջալերող տերերը ե՞րբ պիտի սորվին մարդոց վերէն չնայիլ, ե՞րբ պիտի սորվին սիրալիր եւ համբերութեամբ լուծել մեր ժողովուրդը մտահոգող հարցերը՝ ԼՍԵԼՈՎ ԱՆՈՐ ՁԱՅՆԸ:

Ձեր փնթփնթոցին շատ ճիշդ պատասխանած է ձեր գաղափարի ընկեր՝ «Չարթօնք» օրաթերթի խմբագիր Սեւակ Յակոբեանը թերթի 2 Յուլիս 2018-ի [խմբագրականով](#): Կը յուսամ, որ ձեր եւ ձեզի նման Համաշխարհայնացում խաղցող խաչագող տերերը հասկնան խմբագրականին մէջ շատ յստակ ըսուած ճշմարտութիւնը, որ դուք այդ դպրոցներուն սեփականատերերը չէք, այլ՝ աւանդապահները եւ զանոնք վաճառելու ԲՆԱԲ իրաւունք չունիք:

Կրնա՞ք պատասխանել հետեւեալ հարցումիս. ի՞նչ եղան Հ. Բ. Ը. Մ.ի Պէյրուքի Երուանդ Տեմիրճեան Նախակրթարանի, Յովակիմեան-Մանուկեան մանչերու երկրորդական վարժարանի, Դարուհի Յակոբեան աղջկանց երկրորդական վարժարանի եւ Ալեք Մանուկեան Երիտասարդական Կեդրոնի վաճառքէն գոյացած միլիոնաւոր տուարները: Հաւանաբար՝ շատոնց եղբայրաբար մարսած էք զանոնք: Ինչ կը վերաբերի որոշներու յոխորտանքին, թէ շուտով նոր, արդիական դպրոց պիտի կառուցուի Նազգաշի շրջանին մէջ շատոնց գնուած հողատարածքին վրայ, իմացնեմ որ սա կեղծիք մըն է, քանի որ նոր մայրուղի մը (Highway) պիտի անցնի այդ հողին տարածքով եւ անկէ հազիւ խաղաղայրի մը բաւելու չափ հողաբաժին մնայ...

Ձեր Հարցումներուն պատասխանելու կարիք չկայ՝ շատ լաւ իմանալով ձեր օրինակ բերած եկեղեցականը ինչպէս գրպանելով կոկիկ գումար մը՝ իրեն հետ տարած էր Գանատայէն: Սալփիները հանգի՛ստ ձգեցէք եւ որպէս օրինակ մի՛ գործածեք: Եթէ չենք խօսիր՝ չի նշանակեր, թէ չենք գիտեր ինչե՛ր կը պատահին մութ սենեակներու եւ հաշուապահական տետրակներու հետ: Շատ դիպուկ է ըսուած. «Մեղրի տակառ փոխադրողը անպայման մատով մեղրի համին կը նայի»:

Ձեր ուշադրութեան կ'ուզեմ հրամցնել, որ անձ մը Հ.Բ.Ը.Մ.ի անդամակցելու համար

պետք չունի հարուստ ըլլալու կամ նուիրատուութիւն կատարած ըլլալու: Մանկութենէս անդամակցած ըլլալով Միութեան, պարտաւորութիւնս է պաշտպանել Հ.Բ.Ը.Մ.ը ձեզի նման խաչագողներէն եւ ձեր նշած հարուստներէն, որոնք չունին ազգութիւն: Ձեր նմանները չեն որ պիտի որոշեն, թէ ով իրաւունք ունի խօսելու կամ ... չխօսելու այս կամ այն նիւթին մասին:

Աւարտելէ առաջ՝ կ'արժէ մեջբերել մեր օրերու թուրք սուլթան Էրտողանին վերագրուած արտայայտութիւնը, թէ հայերը երկու տեսակ են՝ հարուստներ եւ արկածախնդիրներ՝ հարուստները համարելով թուրքերու եղբայրները եւ գործակիցները: Հայանուն հարուստներուն մէկ մասը ազգութիւն չունի: Եթէ ցանկութիւն ունիք ձեր ազգադաւ սեւ գործը շարունակելու, ձեզի համար նոր միութիւն ստեղծեցէք «Համաշխարհայնացում» կամ նման անունով, բայց մի՛ պղծեք Հ.Բ.Ը.Մ.ի մաքուր անունը:

